

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za ekonomsku i razvojnu politiku,
finansije i budžet**

Broj: 02/11-02-9- 148/17
Sarajevo, 25.01.2017. godine

**DOMU NARODA
PARLAMENTA FEDERACIJE BIH**

Na 18. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH, održanoj 25. januara 2017. godine razmatrane su sljedeće tačke dnevnog reda:

- 1. Prijedlog zaključaka (predlagač: Slaviša Šućur, delegat u Domu naroda),**
- 2. Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine – hitni postupak,**
- 3. Prijedlog zakona o osiguranju,**
- 4. Prijedlog odluke o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. – 2020. godina,**
- 5. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09) Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

- 1. Prijedlog zaključaka (predlagač: Slaviša Šućur, delegat u Domu naroda)**

Zbog neprisustvovanja predstavnika predlagača sjednici Odbora, članovi Odbora, u skladu sa članom 50. Poslovnika o radu, nisu raspravljali o ovoj tački dnevnog reda, te će svoje primjedbe i sugestije pojedinačno iznijeti u raspravi na sjednici Doma naroda.

- 2. Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine – hitni postupak**

Zbog neprisustvovanja predstavnika predlagača sjednici Odbora, članovi Odbora, u skladu sa članom 50. Poslovnika o radu, nisu raspravljali o ovoj tački dnevnog reda, te će svoje primjedbe i sugestije pojedinačno iznijeti u raspravi na sjednici Doma naroda.

3. Prijedlog zakona o osiguranju

Predstavnica predlagača detaljno je upoznala članove Odbora sa predloženim tekstom zakona. Imajući u vidu da se novim tekstom Zakona, na cjelovit i sveobuhvatan način uređuje tržište osiguranja u Federaciji Bosne i Hercegovine, te uklanjaju određeni nedostaci u postojećem (koji predstavljaju smetnje efikasnom provođenju nadzora i regulisanju rada drustava za osiguranje), a istovremeno harmoniziraju domaći propisi sa pravnom stečevinom Evropske unije u oblasti djelatnosti osiguranja, članovi Odbora predlažu Domu naroda da razmotri i usvoji Prijedlog zakona o osiguranju.

4. Prijedlog odluke o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. – 2020. godina

Predstavnici predlagača upoznali su članove Odbora sa sadržajem, ciljevima i prioritarnim aktivnostima navedenim u ovom dokumentu. Imajući u vidu sve veći značaj upotrebe statističkih podataka i istraživanja, te prihvatanje nacionalnih računa kao baze za izradu strateških dokumenata i ciljeva razvoja Federacije Bosne i Hercegovine, Odbor predlaže Domu naroda da razmotri i donese Odluku o davanju saglasnosti na Prijedlog odluke o utvrđivanju Programa provođenja statističkih istraživanja od interesa za Federaciju Bosne i Hercegovine za period 2017. – 2020. godina.

5. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc

Članovi Odbora predlažu Domu naroda da razmotri i donese Odluku o davanju saglasnosti na Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridor Vc.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora, Muhamed Kozadra.

PREDSJEDNIK
Odbora za ekonomsku i razvojnu
politiku, finansije i budžet
Muhamed Kozadra, s.r.